

Ad cognitionem
Capsidarum aethiopicarum

scripsit

O. M. REUTER.

IV.

1. *Trigonotylus tenuis* Reut.

Trigonotylus ruficornis var. *tenuis* Reut., Rev. d'Ent. 1893, p. 208. — *Trigonotylus pallidicornis* Reut., Öfv. Finska Vet. Soc. Förh. XLII, 1899, p. 161.

Madagascar merid. — occidentalis: Pokoberg, D. Voeltzkov. Etiam in insula Jamaica inventus, D. Van Duzee.

2. *Collaria improvisa* Reut.

Rev. d'Ent. 1893, p. 208.

Lurido-testacea, nitidula, collo verticis maculis duabus basalibus, fronte utrinque ad oculum, genis clypeoque nigris, hoc lorisque fortiter nitidis, fronte saepe maximam ad partem testacea, sulco longitudinali fasciaque angusta subarcuata inter angulos posticos oculorum nigris; pronoto linea media longitudinali pallida, interdum utrinque fusco-cincta, disco postico utrinque prope angulum basalem macula ovali niger-rima; scutello linea media longitudinali saepe fusco-cincta apiceque pallidis; hemielytris nitidis, interne fuscescenti-con-

spurcatis, venis, limbo externo corii, cuneo membranaque decoloribus, venis hujus pallidis; ventre interdum fuscescente; antennis parce pilosulis, testaceis, articulo primo ubique aequae crasso, spatio capitis inter basin sulci frontalis et apicem clypei parum longiore, longe piloso, fusco-punctato, basi anguste nigro, secundo primo fere duplo et dimidio longiore, apice nigro, ultimis nigris, tertio ima basi pallido; pedibus pallidis, femoribus pilis longis exsertis pilosis, seriatim fusco-punctatis, tibiis parcius breviusque pilosis, pilis sub angulo acuto retrorsum vergentibus, apice tibiaram anguste infuscato, articulis duobus ultimis tarsorum nigro-fuscis; collo capitis oculo a supero viso $\frac{1}{3}$ -fere dimidio brevior. ♀. Long. $5\frac{1}{2}$, lat. 1 mm.

Insulae Seychelles, D. Alluaud; Madagascar orientalis: Tenerivo, D. Voeltzkov; Caput Bonae spei, D. Penther.

A *C. oleosa* Dist., incola Americae centralis, collo capitis saltem $\frac{1}{3}$ —fere $\frac{2}{3}$ brevior, retrorsum distinctius constricto, fronte distincte latiore oculisque minoribus divergens. Caput (♀) ab antico visum pronoto aequae longum, latitudine cum oculis circiter $\frac{1}{3}$ longius, basi pronoti circiter $\frac{1}{4}$ angustius, fronte oculo duplo latiore; interdum nigrum, macula magna inter oculos antice biramosa, postice lineam tenuem ad marginem basalem emittente, tuberculis antenniferis, bucculis margine gulaque testaceis. Rostrum apicem coxarum posticarum paulo superans, apice infuscato; articulo primo capite paullulum longiore. Antennae articulo tertio secundo parum brevior, quarto tertio circiter $\frac{1}{3}$ brevior; articulo primo interdum coccineo, basi anguste nigro. Pronotum basi longitudine distincte paulo latius, lateribus late sat fortiter sinuatis, angulis posticis acutiusculis, disco postico sat dense et sat profunde punctato. Scutellum medio transversim rugosum. Hemelytra clavo crebre punctato, corio cuneoque sublaevibus (an pilae detritae?). Pectus medio et lateribus infuscatum.

3. *Corizidolon* nov. gen.

Corpus oblongum, glabrum, opacum, hemielytris vitreonitentibus, parallelis; capite verticali, basi pronoti fere $\frac{1}{3}$ angustiore, a supero viso brevi, fortiter transverso, pronoto fere

duplo brevior, vertice immarginato, angusto, sulco longitudinali medio instructo, margine antico inter oculos prominente, angulum acutiusculum formante; capite ab antico viso transverso, frontis apice valde convexo. prominulo, clypeo a fronte impressione profunda fortiter discreto, ultra apicem frontis vix prominente, verticali, a latere viso sat angusto, basi in medio capitis a latere visi posita, angulo faciali recto, loris hand discretis, genis (♀) sat altis, gula vix distinguenda; oculis valde exsertis, magnis, laevibus, a supero visis globosis, a latere visis in genas leviter extensis (♀), orbita interiore versus apicem distincte divergentibus, sinuatis; rostro apicem coxarum posticarum subattingente, gracili, lineari, articulo primo crassiore, medium xyphi prosterni attingente; antennis subglabris, mox supra apicem oculorum interne insertis, articulo primo altitudini capitis aequae longo, basin versus leviter dilatato, secundo longo, apice leviter incrassato, duobus ultimis secundo nonnihil gracilioribus. simul sumtis hoc brevioribus; pronoto trapeziformi, transverso, lateribus subrectis, strictura apicali apici articuli primi antennarum crassitie subaequali, callis valde transversis, in latera longe extensis, postice bene determinatis, disco leviter convexo, versus apicem sat leviter declivi, margine basali late rotundato; scutello pronoto brevior, aequalateraliter triangulari, plano, basi subdetecto; hemielytris abdomen sat longe superantibus, commissura clavi scutello brevior, subhyalinis, embolio incrassato apice interne leviter dilatato, venis corii distinctissimis, vena cubitali apice furcata, cuneo latitudine basali circiter duplo longiore, fractura infra exitum venae brachialis in membranam posita; membrana biareolata, apice areolae majoris interiore rectangulari; areola alarum hamo destituta; xypho prosterni lateribus marginato; mesosterno subhorizontali; metastethio rima orificiorum vix distinguenda sed alte marginata; coxis anticis medium mesosterni attingentibus, posticis ab epipleuris hemielytrorum longe remotis; femoribus sat brevibus, posticis leviter incrassatis; tibiis margine externo spinulosis; tarsis margine inferiore articuli secundi eodem primi vix longiore, articulo tertio secundo paullo longiore, unguiculis apice uncinatis, aroliis divaricatis, ab ipso angulo basali unguiculorum emissis.

Genus insigne, generi *Corizus* familiae Coreidarum primo intuito simile, a reliquis structura capitis hemielytrisque hyalino-nitidis mox distinguendum.

Corizidolon notaticolle n. sp.

Superne luridum, opacum, pronoto strictura apicali, stria media eam tangente, linea tenui media longitudinali, macula utrinque discoidali magna subquadrata fasciaque ante marginem basalem lateribus obsolete lividis, maculis his discoidalibus macula parva rotundata nigerrima signatis, fascia basali medio lineola longitudinali obscure fusca, ipso margine laterali mox ante angulum basalem macula rotundata nigerrima notato; scutello vitta media percurrente livida, linea longitudinali tenui fusca divisa; hemielytris hyalinis, nitidissimis, clavo margine scutellari sat late commissuraque tenuiter piceis, embolio lurido, corio venis rufo-piceis, cuneo lurido, interne rufescente, marginibus picescentibus; membrana flavescendo-hyalina, venis piceis; pectore, ventre, rostro et pedibus lividis, ventre utrinque punctis nigro-fuscis in seriem lateralem positis, femoribus inferne seriatim nigro-fusco-punctatis, tarsis articulo ultimo nigro-fusco; antennis luridis, apice articuli secundi ultimisque nigro-fuscis, basi tertii anguste pallida. ♀. Long. $6\frac{1}{2}$, lat. $2\frac{1}{5}$ mm.

Insula Mauritius, D. Voeltzkov.

Caput ab antico visum latitudine verticis oculique unici vix longius, vertice (♀) oculo aequo lato. Antennae articulo secundo primo circiter $2\frac{2}{3}$ et margine basali pronoti parum longiore, tertio secundo duplo brevior, quarto tertio fere $\frac{1}{4}$ brevior. Pronotum latitudine basali circiter $\frac{2}{5}$ brevius, disco transversim strigoso brevissime nigro-pilosello. Scutellum laeve. Tibiae spinulis ferrugineis crassitie tibiae brevioribus.

4. *Pantiliodes elongatus* (Leth.).

Reut., Öfv. Finska Vet. Soc. Förh. XLV, N:o 6, p. 3, 3.

Insula Pemba, D. Voeltzkov, comm. D. Dr Bergroth.

A typo differt: scutello basi punctis duobus fuscis, apice nigro; commissura clavi et corii concolore, venis autem mem-

branae sanguineis, cubitali basin versus pallide flavente. Haec species a *P. pallido* (Ramb.) vix diversa.

5. *Megacoelum macrophthalmum* n. sp.

Pallide stramineum, oculis griseis, maris maximis, valde exsertis et convexis, a supero visis transversis, vertice oculo fere quadruplo angustiore; pronoto limbo laterali utrinque, scutello macula media basali, clavo parte interiore usque ad venam, corio macula oblonga circa apicem venae cubitalis nec non metapleuris macula laterali nigro-fuscis; membrana fumata, venis rufescenti-piceis, macula parva ad apicem cunei arcuque venas externe terminante hyalinis; rostro apicem coxarum posticarum attingente, apice late nigro-piceo; antennis stramineis, articulo primo basi sat anguste secundoque apice late fusco-nigricantibus, hoc margine basali pronoti circiter $\frac{1}{3}$ longiore (articuli ultimi pedesque desunt). ♂ Long. $6\frac{3}{4}$, lat. 2 mm.

Africa orientalis: Tana (Mus. Vindob.).

Caput basi pronoti circiter $\frac{1}{3}$ angustius, a supero visum pronoto fere duplo brevius, vertice sulco medio longitudinali distinctissimo; ab antico visum latitudine cum oculis maximis fere duplo brevius; a latere visum altitudine fere duplo brevius, fronte valde declivi, clypeo parum prominulo, lineari, leviter arcuato, angulo faciali recto, genis gulaque haud distinguendis. Oculi laeves, maximam partem capitis occupantes, usque ad bucculas extensi, orbita interiore medio profunde emarginati, basi et apice valde appropinquati. Rostrum articulo primo medium xyphi prosterni subattingente. Antennae ad sinum oculorum ad medium orbitae eorum interioris interne insertae, glabrae, articulo primo altitudini capitis a latere visi aequae longo, secundo primo circiter $2\frac{2}{3}$ longiore, versus apicem vix incrassato (ultimi desunt). Pronotum latitudine basali circiter $\frac{2}{5}$ brevius, lateribus rectis, margine basali medio leviter sinuato, disco versus apicem sat fortiter declivi, postice leviter convexiusculo, sat obsolete ruguloso, apice basi fere triplo angustiore, strictura apicali articulo secundo antennarum duplo tenuiore. Scutellum pronoto distincte brevius, disco apicali modice convexo, medio

leviter infuscato. Hemielytra abdomen modice superantia; membrana angulo interiore apicali areolae majoris obtuse angulato. Segmentum maris genitale ad medium marginis anterioris sinus sinistri aperturae tuberculo prominente instructum.

6. *Calocoris Braunsi* n. sp.

Sordide lividus, nitidus, articulo primo antennarum femoribusque posticis apicem versus ferrugineis, pectore ventreque picescentibus, areis orificiorum pallidis; hemielytris obscure piceis, nitidis, crebre sat subtiliter punctatis, dense subtiliter pallido-pubescentibus, corio basin versus limboque exteriore pallidis, cuneo livido, membrana cum venis fusca; antennis articulo secundo apice sat late ultimisque nigris, tertio basi pallido, secundo margine basali pronoti vix longiore; rostro apicem coxarum posticarum attingente; tibiis spinulis concoloribus, crassitiei tibiae aequalongis. ♂. Long. $6\frac{3}{4}$, lat. $2\frac{1}{3}$ mm.

Terra Capensis: Algoa Bay, D. Brauns (Mus. Vindob.).

Caput basi pronoti circiter duplo angustius, a latere visum altitudine fere paullulum brevius, vertice (♂) oculo circiter $\frac{2}{5}$ latiore, sulco longitudinali instructo, clypeo sat leviter prominente, angulo faciali subrecto, gula sat longa. Rostrium articulo primo medium xyphi prosterni attingente. Antennae articulo primo capiti ab antico viso longitudine subaequali, secundo primo paullo magis quam duplo longiore, duobus ultimis gracilioribus, tertio secundo paullo magis quam $\frac{1}{3}$ brevior. Pronotum latitudine basali circiter $\frac{2}{3}$ brevius, strictura apicali articulo primo antennarum aequae crassa, disco postico apicem versus sat convexo-declivi, sat grosse sed parum profunde punctato. Scutellum tenuiter transversim strigosum. Hemielytra (♂) abdomen modice superantia. Segmentum maris genitale ad sinum sinistrum aperturae muticum. Pedes subglabri.

Charitocoris Reut.

Ann. Mus. Zool. Ac. Scient. St. Petersburg. IX, p. 6.

Species pluribus inventis descriptio generis modificanda est. Caput nutans vel subverticale, basi pronoti $\frac{2}{5}$ — duplo angustius, ab antico visum transversum vel latitudini cum oculis longitudine subaequale, a latere visum altitudine fere brevius — hac distincte longius. Rostrum apicem coxarum intermediarum vel posticarum attingens. Cuneus elongato-vel oblongo-triangularis. Tibiae pallido-vel nigro-spinulosae. Tarsi articulo tertio primo aequae longo vel hoc brevior.

Genus articulo tarsorum longo basali insigne, a *Stenoto* Jak. corpore latiore, magis ovali, sublaevi, gula brevior, antennis ad vel mox supra apicem oculorum insertis divergens. Vertex interdum (*Ch. bipuncticollis* n. sp.) margine postico distincte reflexo (haud tamen carinato-elevato).

7. Charitocoris rufoplagiatus Reut.

Öfv. Finska Vet. Soc. Förh. XLVII, 1905, N:o 22, p. 3, 3.

Pallide flavo-virens vel virescenti-flavens, sat nitidus, scutello hemielytrisque breviter flavo-pubescentibus; superne sanguineo-signatus; femoribus posticis apice late tibiisque posticis basi sanguineis; tibiis breviter nigro-spinulosis; tarsis solum extremo apice articuli ultimi cum unguiculis nigro-fusco; vertice feminae oculo circiter $\frac{2}{5}$ — $\frac{1}{2}$ latiore; rostro apicem coxarum posticarum (nec, ut l. c. describitur, intermediarum) attingente. ♀. Long. 6— $6\frac{1}{3}$, lat. $2\frac{1}{5}$ — $2\frac{1}{3}$ mm.

Var. α: Superne pallide flavo-virens, clavo intra venam fere usque ad medium commissurae rufo-ferruginea, corio limbo laterali paullo supra apicem nebula infuscata, cuneo margine interiore apicem versus sanguineo; venis membranae omnibus pallidis.

Var. β: Capite callisque pronoti in ferrugineum vergentibus; clavo interne usque ad medium commissurae, corio macula obliqua media partis tertii apicalis, margine interiore cunei venisque membranae sanguineis; femoribus posticis ante apicem sanguineo-conspersis.

Var. γ: Superne flavicanti-virescens, capite, pronoto limbo basali late, clavo toto, corio sutura clavi fasciaque vel macula apicali inaequali sat lata, cuneo toto vel margine interiore apiceque late, nec non venis areolae minoris membranae sanguineis.

Africa meridionalis: Port Elisabeth, D. Brauns (Mus. Vindob.); Caffraria (Mus. Helsingf.); Caput bonae spei (Mus. Holm.).

A *Ch. sanguineonotato* Reut. corpore distincte latiore et robustiore, rostro longiore, tarsis solum apice anguste nigris. Caput (♀) nutans, basi pronoti fere duplo angustius, ab antico visum latitudine paullulum brevis, a latere visum altitudine basali aequae longum, vertice immarginato, sulco destituto, fronte sat leviter declivi, convexiuscula, clypeo usque a basi prominente, verticali, basi supra medium capitis a latere visi posito, angulo faciali recto, loris haud buccatis, genis sat humilibus, gula obliqua. Oculi pronoto contigui, minute granulati, orbita interiore sinuati. Rostrum articulo primo fere tertiam basalem partem coxarum anticarum attingente. Antennae (♀) sat longe supra apicem oculorum interne insertae, articulo primo capite ab antico viso saltem $\frac{1}{3}$ breviorae, secundo lineari, primo fere triplo longiore et margini basali pronoti aequae longo. Pronotum latitudine basali circiter $\frac{1}{3}$ brevius, apice quam basi duplo angustius, lateribus subrectis, disco laevi, apicem versus modice declivi, strictura apicali crassitie articuli secundi antennarum parum graciliore, disco postico subtilissime punctulato. Hemielytra abdomen modice superantia, membrana cum areolis sat leviter fumata. Pedes sat robusti, femoribus posticis anticis fere duplo latioribus, tibiis spinulis crassitie tibiae brevioribus, tarsis margine inferiore articuli primi eodem secundi saltem duplo breviorae, tertio primo breviorae.

8. *Charitocoris bipuncticollis* n. sp.

Pallide flavus, capite, pronoto scutelloque nitidis, glabris, hemielytris opaculis, tenuiter pallido-pubescentibus; pronoto medio punctis duobus latissime distantibus fuliginosis; commissura clavi plagis duabus pone medium corii venam

cubitalem terminantibus, interiore brevi, exteriori ad angulum apicalem exteriori producta cuneoque dilute fuscis, membrana pallide fumata, venis flavis; apice mesosterni, macula metapleurarum vittaque postice abbreviata laterali ventris fuscis; femoribus punctis fuscis adspersis, tibiis nigro-spinulosis, tarsis dilute fuscescentibus. ♀. Long. 6, lat. $2\frac{1}{3}$ mm.

Caput Bonae Spei, D. Pfeiffer (Mus. Vindob.). Species structura verticis signaturaque pronoti insignis.

Caput basi pronoti circiter $\frac{2}{5}$ angustius, leviter nutans, vertice (♀) oculo duplo latiore, margine verticis leviter reflexo; ab antico visum latitudini cum oculis aequae longum, a latere visum altitudine distincte longius, fronte levissime declivi, clypeo subverticali fortiter prominente, basi ejus alte posita, angulo faciali subrecto, loris horizontalibus, genis (♀) mediocribus, gula brevissima, horizontali. Oculi grisciscentes, feminae in genas modice extensi, apicem versus divergentes et orbita interiore late sinuati. Rostrum articulo primo medium xyphi prosterni attingente. Antennae pallide flaventes, articulo primo capite ab antico viso circiter $\frac{1}{3}$ brevior, secundo primo circiter duplo longiore et margine basali pronoti parum brevior, ipso apice ejus ultimisque fuscescentibus, his simul sumtis secundo aequae longis, tertio secundo circiter $\frac{2}{5}$ brevior. Pronotum latitudine basali circiter $\frac{2}{5}$ brevius, disco laevi, versus apicem leviter declivi, callis discretis, transversis, levissime obliquis, medio distantibus, stricture apicali articulo secundo antennarum paulo crassior. Scutellum basi obtectum. Hemelytra (♀) abdomen modice superantia, cuneo oblongo-triangulari, membrana angulo interiore apicali areola majoris subrecto. Tibiae sat robustae, spinulis crassitiae tibiae brevioribus. Tarsi postici articulo primo secundo magis quam duplo longiore, duobus ultimis simul sumtis secundo aequalongis, unguiculis nigris. Terebra feminae fere tertiam basalem partem ventris attingens.

Stenotus Jak.

Reut., Hem. Gymn. Eur. V, p. 122, XX, T. I, fig. 20.
Koraciocapsus Kirk., Trans. Ent. Soc. Lond. 1902, II, p. 260.

Speciebus pluribus cognitis, diagnosis nonnihil modi-
 fienda est. Caput ab antico visum saepe magis minusve, in-
 terdum fortiter transversum, a latere visum altitudini vix
 aequae longum vel huic longitudine aequale, fronte sat de-
 clivi, gula brevi. Rostrum saepe brevius, coxas intermedias
 haud superans. Antennae maris interdum ad medium margi-
 nis interioris oculorum insertae, articulo primo longitudine
 nonnihil variante. Genus hocce a reliquis ejusdem divisio-
 nis vertice immarginato praeditis corpore subelongato vel sub-
 elongato-ovali articuloque primo tarsorum posticorum secundo
 haud crassiore, hoc illo saltem $\frac{1}{3}$ vel duplo vel magis quam
 duplo brevior, duobus ultimis simul sumtis primo paullo
 longioribus vel huic aequae longis, antennis sat longis, arti-
 culis linearibus nec non orificiis metastethii rimam trans-
 versalem marginatam formantibus a reliquis optime distin-
 guendum.

9. *Stenotus vitticollis* n. sp

Oblongus, stramineus, clypeo, oculis, articulo saltem primo
 antennarum (ultimi desunt), pronoto vittis quatuor retrorsum
 divergentibus, antice utrinque in callo geminatim conjunctis,
 mediis distantibus, marginibus lateralibus scutelli, corio vitta
 suturam clavi terminante, disco pectoris, ventre vitta media
 aliaque utrinque laterali, tibiis apice anguste tarsisque totis
 nigris; corio intra venam cubitalem cuneoque castaneis vel
 rufo-ferrugineis; femoribus posticis ferrugineo-tinctis; capite
 ab antico viso fortiter (σ) vel leviter (φ) transverso, a la-
 tere viso altitudine basali paullo brevior, vertice oculo
 circiter $\frac{1}{4}$ angustiore (σ) vel hoc fere dimidio latiore (φ);
 oculis maris maximis, valde convexis, feminae mediocribus;
 rostro apicem mesosterni attingente, articulo primo capiti
 aequae longo; antennis articulo primo (φ) capiti ab antico
 viso longitudine vix aequali; pronoto crebre sat fortiter punc-
 tato, scutello subtiliter transversim aciculato, hemielytris
 sublaevibus. σ φ . Long. $7\frac{1}{3}$ — $7\frac{1}{2}$, lat. $2\frac{1}{2}$ mm.

Variat vittis discoidalibus pronoti obsoletis, dilute castaneis, corio sutura clavi concolore.

Transvaal (Mus. Vindob. et Schouteden).

Species signatura pronoti insigni mox distinguenda. Caput a supero visum pronoto circiter $\frac{2}{5}$ brevius, basi hujus fere duplo (♀) vel circiter $\frac{1}{3}$ (♂) angustius. Pronotum latitudine basali fere $\frac{1}{5}$ vel $\frac{1}{3}$ brevius, apice quam basi fere triplo angustius. Scutellum pronoto, strictura apicali excepta, aequae longum. Hemelytra abdomen sat breviter (♀) vel modice (♂) superantia. Terebra feminae longa. Tarsi postici articulo primo secundo circiter duplo longiore.

10. *Stenotus fasciaticollis* Reut.

Öfv. Finska Vet. Soc. Förh. XLVII, N:o 22 (1905), p. 4, 4.

Caput *maris* ab antico visum fortiter transversum. Rostrum coxas intermedias attingens, articulo primo caput paullo superante. Pronotum fascia nigra basali medio interrupta.

Transvaal: Abera, d. 17 dec. 1903, comm. D. Schouteden.

11. *Stenotus pylaon* (Kirk.).

Koraciocapsus pylaon Kirk., Trans. Ent. Soc. Lond. 1902, II, p. 261, 28.

Subelongatus, inferne cinnabarinus vel pallide flavens vel stramineus, plerumque utrinque cinnabarino-limbatus, superne obscurius vel pallidius cinnabarinus, capite limboque laterali corii et cunei, limbo hujus latius, pallide flaventibus vel cinnabarinis; interdum etiam apice pronoti flavescente; membrana obscurius fumata, venis sanguineis vel cinnabarinis; antennis obscure fuscis, articulo primo nigro; pedibus pallide flaventibus, femoribus magis minusve sanguineo-conspurcatis, tibiis ipso apice fusco, tarsis nigris; capite (♂) ab antico viso distincte transverso, a latere viso altitudini basali aequae longo, vertice oculo latitudine subaequali; rostro coxas posticas attingente, articulo primo medium xyphi prosterni attingente; antennis articulo primo diagonali capitis laterali paullo longiore, secundo primo circiter $2\frac{1}{2}$ longiore;

pronoto crebre rugoso-punctato, scutello hemielytrisquae laevibus. ♂. Long. 4—4 $\frac{1}{3}$, lat. 1 $\frac{1}{2}$ mm.

Congo, Boma, Nguelo; comm. D. Schouteden.

Statura parvula coloreque insignis. Caput maris a supero visum pronoto, strictura apicali excepta, paullo brevius, basi hujus circiter $\frac{2}{5}$ angustius. Pronotum latitudine basali circiter $\frac{1}{3}$ brevius, apice quam basi circiter $\frac{2}{5}$ angustius. Scutellum pronoto, strictura apicali excepta, paullo brevius. Hemielytra (♂) apicem abdominis modice superantia. Tarsi postici articulo secundo primo circiter $\frac{1}{3}$ brevior, tertio primo longitudine subaequali.

12. *Lygus* (Orthops) *Thomasi* n. sp.

Virescenti-sulphureus, oculis, apice articuli secundi antennarum, dimidio basali pronoti, lateribus pectoris, plus quam dimidio apicali femorum posticorum, basi tibiaram posticarum apiceque articuli ultimi tarsorum piceo-nigris; articulis ultimis antennarum fuscis, articulo tertio basi pallido; hemielytris commissura clavi late, macula exteriore paullo infra basin fasciaque apicali corii fuscis, apice cunei piceo-nigro, membrana griseo-fumata, venis flavis, medio fuscis, magis quam dimidio basali areolae majoris, macula quadrangulari ante medium limbi exterioris fasciaque transversali mox pone medium disci marginem interiorem attingente hyalinis; tibiis pallido-spinulosis. ♀. Long. 4 mm.

Africa orientalis britannica, D. F. Thomas (Mus. Vindob.).

Caput basi pronoti circiter $\frac{1}{3}$ angustius, verticale, ab antico visum transversum, a latere visum altitudine magis quam duplo brevius, vertice tenuissime marginato, feminae oculo aequae lato, clypeo parum prominente, genis humilibus, gula haud distinguenda. Oculi in genas longe extensi, margine interiore profunde sinuati. Rostrum coxas intermedias attingens. Antennae sat longe supra apicem pronoti longitudine subaequali, duobus ultimis simul sumtis secundo distincte brevioribus, tertio latitudini verticis oculique unici (♀) aequae longo, quarto tertio fere duplo brevior. Prono-

tum latitudine basali fere duplo brevius, basi late rotundata disco transversim sat convexo, dense subtiliter punctato, apicem versus leviter declivi. Scutellum transversim subtilissime strigatum. Hemielytra crebre subtiliter sat obsolete punctata. Tibiae spinulis crassitiei tibiae aequae longis. Femora intermedia apice leviter fuscescenti-conspurcata. Tarsi postici margine inferiore articuli secundi eodem primi paululum (vel parum) longiore.

13. *Lygus V-flavum* n. sp.

Ovalis, superne luridus vel fuscescenti-testaceus, clypeo, loris et oculis, strictura apicali fasciaque lata basali, interdum etiam callis lateribusque pronoti, macula triangulari media scutellum percurrente, clavo vena excepta, plaga magna obliqua partis apicalis corii anguloque interiore cunei piceo-nigris; lateribus scutelli cuneoque, angulis basalibus exceptis, flavis; inferne cum coxis flavus, lateribus pectoris vittaque laterali ventris piceo-nigris, limbo ventris marginali lurido; rostro apicem mesosterni attingente, flavicante, apice, nigro-piceo; antennis flavo-testaceis, articulo primo basi secundoque apice nigro-piceis, ultimis nigro-fuscis, tertio basi flavo-testaceo, secundo (♀) margine basali pronoti paullo brevior; pedibus pallide flaventibus, femoribus anterioribus apice luridis, posticis $\frac{3}{5}$ — $\frac{2}{3}$ apicalibus cum basi tibiaram nigro-piceis, tibiis nigro-spinulosis, tarsis articulo primo et ultimo nigro-piceis; vertice margine acuto sed vix carinato, ante marginem utrinque oblique impresso. ♀. Long. $5\frac{2}{3}$, lat. $2\frac{1}{4}$ mm.

Terra Capensis: Algoa-bay, d. 1 novembris 1896, D. D. Brauns (Mus. Vindob.).

Caput (♀) basi pronoti circiter $\frac{2}{3}$ angustius, vertice oculo paullo latiore, ab antico visum latitudine verticis oculique unici vix longius, a latere visum altitudine fere duplo brevius, clypeo leviter prominente, basi ejus vix supra medium capitis a latere visi posita, angulo faciali subacuto, gula brevissima. Rostrum articulo primo medium xyphi prosterni subattingente. Antennae articulo primo capite ab antico viso circiter $\frac{1}{4}$ brevior, secundo primo vix duplo et dimidio longior, tertio secundo circiter $\frac{1}{3}$ brevior, quarto primo aequae longo. Pronotum latitudine basali circiter $\frac{2}{5}$ brevius, basi

quam apice circiter duplo latius, disco sat dense et sat subtiliter punctulato, margine basaliq̄ flavicante. Scutellum transversim rugulosum, subtiliter punctulatum. Hemielytra subtiliter dense punctulata, dense flavicanti-pubescentia, membrana nigricante, venis piceo-testaceis. Tibiae posticae tarsis fere quadruplo longiores. Tarsi postici articulo secundo primo longiore, tertio secundo fere paullo brevior. Terebra feminae longa, circiter quintam basalem partem ventris attingens.

14. *Lygus apicalis* Fieb.

Reut., Hem. Gymn. Eur. V, p. 110, 29, T. V, f. 1.

Sierra Leone, D. Afzelius (Mus. Holm.).

15. *Lygidolon* nov. gen.

Corpus parvulum, superne nitidum, glabrum, inpunctatum, solum hemielytris obsoletissime subtiliter punctatis; capite sat lato, verticali, ab antico viso fortiter transverso, infra oculos parum producto, a latere viso brevi, oculis maris maximis, tota latera occupantibus, modice granulatis, a supero visis valde transversis, ab antico visis interne infra medium fortiter emarginatis, vertice stricturam apicalem pronoti obtegente, margine inter oculos recto, fortiter et crasse carinato, vertice ante marginem depresso, nitente, fronte planiuscula, clypeo sat brevi, leviter prominente, a latere viso ubique aequo lato, basi mox supra lineam inter scrobes antennarum ducendam posita, angulo faciali subrecto, loris carinatis, gula haud distinguenda; rostro apicem mesosterni attingente; antennis mox infra quartam apicalem partem marginis interioris oculorum insertis, articulo primo brevi, apicem capitis vix superante, secundo versus apicem levissime incrassato; pronoto transverso, trapeziformi, disco transversim leviter convexo, apicem versus parum declivi, aequali, callis nullis, apice medio carina obsoletissima longitudinali instructo, strictura apicale tenui, a margine verticis obtecta; scutello pronoto brevior, basi a pronoto obtecta; hemielytris (♂) abdomen sat superantibus, parallelis, cuneo margini basali aequo longo, membrana biareolata, areola majore an-

gulo interiore obtuse angulata; pedibus breviusculis, coxis anticis medium mesosterni superantibus, femoribus posticis reliquis crassioribus et anticis fere duplo longioribus, tibiis sat breviter spinulosis, tarsis posticis margine inferiore articuli secundi eodem primi vix longiore, tertio secundo longiore; segmento genitali maris mutico.

Generi *Lygus* Hahn, Reut. primo aspectu sat simile, ab eo et aliis affinibus corpore toto laevi structuraque capitit et pronoti mox distinguendum.

Lygidolon laevigatum n. sp.

Piceo-nigrum, nitidum, glabrum, margine postico verticis, apice scutelli, xypho prosterni coxisque anticis sulphureis, hemielytris, meso- et meta-pleuris, ventre medio late, rostro, antennis, pedibus pallide lividis; clavo, macula interiore anteapicali corii dimidioque apicali cunei piceo-nigris, membrana fumata, puncto ante medium marginis exterioris pallido; antennis articulo secundo plus quam tertia apicali parte nigro (ultimi desunt); femoribus posticis apicem versus ochraceis, tibiis tarsisque apice nigro-piceo, illis piceo-spinulosis; mesosterno medio ventreque lateribus fusco-piceis. ♂. Long. 3, lat. $1\frac{1}{3}$ mm.

Africa orientalis britannica, D. F. Thomas (Mus. Vindob.).

Caput (♂) basi pronoti vix magis quam $\frac{1}{4}$ angustius, ab antico visum longitudine fere duplo latius, a latere visum altitudine saltem duplo brevius, vertice oculo circiter $\frac{2}{5}$ angustiore. Antennae articulo secundo latitudine capitis parum longiore. Pronotum latitudine basali circiter $\frac{2}{5}$ brevius. Tibiae posticae spinulis crassitiei tibiae longitudine subaequalibus.

16. *Tropidophorella* nov. gen.

Corpus sat late ovale, pronoto scutelloque fortius, hemielytris subtiliter punctatis (pubescentia speciminis detrita); capite basi pronoti duplo angustiore, fortiter nutante, a supero viso pronoto $\frac{1}{3}$ brevior, ab antico viso latitudini cum

oculis aequae longo, infra oculos longe acuminato-producto, parte infraoculari parti reliquae aequalonga, margine verticis tenuiter carinato; capite a latere viso altitudini aequae longo, fronte declivi, parum convexa, clypeo fortiter prominente, arcuato, a latere viso apicem versus latiore, basi in medio altitudinis capitis a latere visi posita, angulo faciali distincte acuto, loris haud convexis, genis (♀) mediocribus, gula brevi, horizontali; oculis laevibus, pronoto contiguis, in genas modice extensis, ab antico visis basi ac apice fere aequae distantibus, orbita interiore sat leviter sinuatis; rostro coxas posticas attingente, articulo primo caput paullo superante; antennis paullo supra apicem oculorum interne insertis, articulo primo apicem clypei parum superante, secundo modice longo, versus apicem sensim leviter incrassato; pronoto trapeziformi, apice quam basi circiter triplo angustiore, strictura apicali articulo primo antennarum aequae crassa, disco versus apicem sat fortiter convexo-declivi, medio carina obtusa usque ad stricturam apicalem percurrente leviter elevata, callis bene discretis, transversis, leviter obliquis, latera haud attingentibus, interne distantibus, margine basali basin scutelli tegente, lateribus rotundato, medio truncato; scutello pronoto brevior, versus apicem carina longitudinali leviter elevata; hemielytris (♀) abdomen modice superantibus, margine corii versus apicem leviter rotundato, commissura clavi scutello aequae longo, cuneo latitudini basali vix longiore, basi in linea transversa per angulum basalem membranae ducenda posita; membrana biareolata, areola majore oblonga, angulo ejus interiore apicali acutiusculo; xypho prosterni triangulari, subplano, lateribus tenuiter marginato; mesosterno brevi; metastethio orificiis distinctis, margine anteriore eorum haud elevato, posteriore in carinulam transversam producto; coxis anticis medium mesosterni longe superantibus, posticis ab epipleuris hemielytrorum longe remotis.

Tropidophorella plagiata n. sp.

Pallide cinerascens-flavens, vertice margine postico, fronte utrinque strigis transversalibus grisescentibus; pronoto callis plagisque quattuor posticis piceo-nigris, his callos sed haud

marginem basalem attingentibus, intermediis latis, triangularibus, lateralibus angustis vittae-formibus; clavo ad marginem scutellarem vittaque suturam clavi terminante, corio plagis duabus obliquis, subpercurrentibus, exteriori breviori, pectore utrinque maculis tribus lateralibus, ventre utrinque linea laterali hic illic abrupta margineque apicali coxarum piceo-nigris (pedes desunt); membrana cum areolis fumata, venis grisescenti-flaventibus. ♀. Long. $5\frac{2}{3}$, lat. 3 mm.

Africa orientalis, D. Höhnel (Mus. Vindob.).

Vertex feminae oculo duplo latior. Antennae articulo primo capite ab antico viso duplo breviori, secundo primo fere triplo longiore et margine basali pronoti circiter $\frac{1}{3}$ breviori. Pronotum disco postico crebre fortiter rugoso-punctato. Scutellum fortiter crebre rugoso-punctatum. Hemiellytra dense subtiliter sat obsolete punctata, cuneo laevi. Terebra feminae circiter $\frac{2}{5}$ basalem ventris attingens.

17. *Poecilosectus vittatus* n. sp.

Fuliginoso-fuscus, nitidus, tomento albido-flavente tectus, macula verticis utrinque, macula supra basin clypei aliaque utrinque ad basin hujus, strictura apicali, vittula media disci postici margineque basali (hoc tenuiter) pronoti, scutello, hemielytris medioque ventris luridis, clavo, corio vitta lata juxta suturam clavi nec basin nec angulum interiorem attingente plagisque duabus apicalibus, interiori cum vitta jam commemorata conjuncta, nec non cuneo fuscis, hoc basi et apice lurido, membrana infuscata, venis flavo-testaceis; mesosterno fusco; rostro pedibusque pallide flaventibus, femoribus apicem versus tibiisque basi fuscis; pronoto fortiter grosse sat remote impresso-punctato, scutello paullo subtilius punctato. ♀. Long. $3\frac{1}{3}$ mm.

Moliro, D. J. Duezizier, comm. D. Schouteden.

Species punctura grossa et profunda pronoti et scutelli insignis. Caput basi pronoti circiter $\frac{1}{3}$ angustius. Antennae articulo primo fusco (reliqui desunt). Pronotum latitudine basali circiter $\frac{2}{5}$ brevius. Hemiellytra apicem abdominis paululum superantia.

18. *Poecilosectus Voelzkovi* n. sp.

Piceo-niger, nitidus, tomento albido facillime divellendo vestitus, vertice macula utrinque ad oculum, pronoto strictura apicali margineque basali tenuiter, scutello apice, rostro dimidio basali, antennis articulo secundo, basi et $\frac{2}{5}$ apicalibus exceptis, tertio fere dimidio basali, coxis intermediis basi, tibiis posterioribus annulo lato anteapicali, tarsis articulis duobus primis orificiisque metastethii; lividis vel albido-flaventibus; hemielytris nigricanti-piceis, basi corii, lunula basali apiceque cunei sordide lividis; membrana nigricante, venis lividis, macula ad apicem cunei hyalina; pronoto crebre sat fortiter punctato; scutello transversim sat fortiter rugoso vix punctato; clavo distinctius, corio obsolete punctato, hoc apicem versus cuneoque laevigatis; antennis (♀) articulo secundo margine basali pronoti circiter $\frac{1}{4}$ brevior. ♀. Long. $3\frac{1}{4}$, lat. $1\frac{2}{5}$ mm.

Madagascar orientalis: Fenerivo, D. Voeltzkov, 1 ♀.

P. vittato m. nonnihil similis, mox autem pronoto dense et multo subtilius punctato scutelloque vix punctato distinguendus. Caput (♀) basi pronoti circiter $\frac{3}{7}$ angustius, ab antico visum latitudine cum oculis parum brevius, vertice oculo paullo latiore, fortiter marginato, margine carinato recto. Rostrum coxas posticas haud superans. Antennae (♀) graciles, articulo secundo primo fere quadruplo longiore, tertio secundo fere duplo brevior. Pronotum latitudine basali circiter $\frac{2}{5}$ brevius, callis parum distinguendis, solum striis duabus transversim impressis pone stricturam apicalem. Hemielytra (♀) apicem abdominis sat longe superantia. Tibiae anticae totae, intermediae externe muticae, hae interne tenuiter testaceo-spinulosae, tibiae posticae tenuiter et parce piceo-spinulosae.

19. *Proboscidoris fuliginosus* Reut.

Öfv. Finska Vet. Soc. Förh. XXV, 1892, p. 30, 60. Ibid. XLVII, N:o 10, 1905, p. 15, 17.

Insulae Fenda et Pumba, D. Voeltzkov.

20. *Proboscidoecoris punctaticollis* Reut.

Öfv. Finska Vet. Soc. Förh. XLVII, N:o 10 (1905), p. 16, 18.

Variat margine postico pronoti testaceo.

Africa orientalis: Morogoro, D. Schmitt; insula Bourbon, coll. Signoret; insula Funda prope Pemba, ins. Comoro, La Grille, 1,000 m. s. m., D. Voeltzkov.

Obs. In descriptione superne citata, p. 11, false dicitur „Antennae articulo — — tertio secundo fere duplo longiore“; lege: fere duplo brevior! Add: Corpus interdum inferne fuscescens, area orificiorum metastethii pallida; ventre medio late vel toto sordide flavescente.

21. *Proboscidoecoris ferrugineus* Reut.

Öfv. Finska Vet. Soc. Förh. XLVII, N:o 10 (1905), p. 18, 20.

Femina 6—6½ mm. longa. Antennae articulis duobus ultimis simul sumtis secundo paullo longioribus, tertio quarto paullulum longiore, basi pallide flavente. Femora saepe ferruginea, solum basi pallide flaventia, apice fusco-annulata, tibiae flaventes, posticae basi ferrugineae.

Fernando St. Po, St. Isabel, m. Martii; comm. D. Schouteden.

22. *Camptobrochis ostentans* (Stål).

Reut., Öfv. Finska Vet. Soc. Förh. XLVII, N:o 12, p. 16.

Var. vitticollis Reut., l. c., p. 17.

Insula Comoro, D. Voeltzkov.

Obs. Genus *Plexaris* Kirk., Entomologist 1902, p. 282, cum *Camptobrochi* identicum genus videtur, *Pl. saturnides* Kirk., l. c., p. 283, a specie superne commemorata vix distincta.

23. Div. Pameridearia n.

Corpus elongatum. Areola alarum hamo destituta. Arolia unguiculorum usque ex angulo interiore basali unguiculorum emissa, libera, a basi fortiter divaricata et unguiculis appropinquata. Lorae capitis optime discretae. Pronotum

strictura apicali bene discreta. Xyphus prosterni lateribus marginatus. Coxae posticae ab epipleuris hemielytrorum levissime distantes. Tarsi articulo primo secundo brevior.

A divisione Capsaria loris optime discretis linearibus, coxis posticis ab epipleuris hemielytrorum levissime distantibus aroliisque unguiculorum aliter constructis divergens

Pameridea nov. gen.

Corpus elongato-obovale, inpunctatum, leviter nitidulum, superne dense breviter nigro-pilosum; capite leviter nutante, basi pronoti angustiore, a supero viso pronoto, strictura ejus apicali excepta, parum brevior et latitudine sua basali distincte longior, vertice immarginato, sulco tenui longitudinali instructo; capite a latere viso altitudini basali aequo longo, fronte subhorizontali, ipso apice valde declivi, clypeo fortiter prominente, a latere viso lato, basi supra medium altitudinis capitis a latere visi posita, margine antico leviter arcuato, valde declivi, angulo faciali valde acuto, loris bene discretis angustis, bucculis linearibus, genis mediocribus, gula peristomio brevior, obliqua; oculi (σ) pronoto subcontiguus, vibis, a supero visis semiorbicularibus, a latere visis suborbicularibus, in genas modice extensis, orbita interiore subrecta apicem versus levissime divergentibus; rostro coxas intermedias attingente, articulis duobus primis pilosulis, primo caput paullo superante; antennis corpore circiter $\frac{1}{3}$ brevioribus, dense breviter pilosis, a margine oculorum interiore sat remotis et in linea mox supra apicem eorum insertis, articulo primo reliquis crassior, apicem clypei leviter superante, apice nonnihil attenuato; pronoto trapezoidali, marginibus omnibus rectis, angulis posticis rotundatis, marginibus lateralibus a latere visis basin versus acutiusculis, disco horizontali, sulco tenui medio longitudinali instructo, callis haud discretis, strictura apicali articulo primo antennarum parum tenuiore; scutello pronoto brevior, basi detecta; hemielytris (φ) abdomen vix superantibus, lateribus subparallelis, commensura clavi scutello longior, cuneo elongato-triangulari, apicem versus fortiter acuminato, basi longius infra angulum interiorem basalem membranae posita; membrana bi-areolata,

areola majore elongata, apice interne obtuse arcuata, ne minime quidam angulata; alis (♀) abdomine brevioribus, areola hamo destituta; xypho prosterni anguste triangulari, marginibus lateralibus crasse elevatis; metastethio orificiis occlusis vix distinguendis; coxis anticis apicem mesosterni attingentibus, posticis ab epipleuris hemielytrorum levissime remotis; pedibus, coxis exceptis, dense sat breviter et fortiter pilosis, femoribus elongatis, tibiis spinulosis, tarsis brevibus, articulo primo secundo multo brevior, tertio primo parum longiore, unguiculis brevibus, curvatis, aroliis valde divaricatis.

Pameridea roridulae n. sp.

Obscure picea vel caryophyllea, superne cum hemielytris sat dense breviter nigro-pilosa, pilis retrorsum vergentibus, sat nitida, vertice utrinque macula ad oculum, articulis duobus primis rostri totis vel saltem apicem versus, articulo antennarum primo ima basi apiceque, secundo medio latissime tertioque ima basi, margine apicali maculisque duabus limbi basalis pronoti, hemielytris, marginibus posticis pleurarum pectoris, disco ventris basi late, extremo apice coxarum et femorum tibiisque, geniculis summoque apice exceptis, sordide albidis, clavo tertia apicali parte vel fere dimidio apicali, corio fascia minus distincta vel saltem macula interiore mox ante medium prope suturam clavi, angulo interiore fasciaque apicali medio antrorsum producta, nec non cuneo apice fuliginosis; membrana cum areolis fusco-fumata, venis fuliginosis. ♀. Long. 5, lat. $1\frac{1}{2}$ mm.

Cap in *Roridula gorgonia*, D. Dr Marloth (Mus. Berol. et Helsingf.).

Caput (♀) basi pronoti circiter $\frac{1}{4}$ angustius, vertice oculo duplo latiore. Oculi (♀) a supero visi semiorbiculares. Rostrum articulo secundo primo aequae longo, tertio secundo brevior et quarto aequae longo. Antennae dense nigro-pilosae, pilis crassitie articulorum haud longioribus, articulo primo capite a supero viso fere duplo brevior, secundo primo paullo magis quam duplo longiore, tertio secundo circiter $\frac{2}{5}$ brevior et quarto aequae longo. Pronotum latitudine basali fere nonnihil longius. Scutellum pronoto fere duplo brevius. He-

mielytra commissura clavi scutello circiter dimidio longiore. Pectus nigro-pilosulum. Pedes dense et fortiter sed sat breviter nigro-pilosi, tibiis spinulis pilis longioribus et crassitiei tibiae aequae longis, nigris, aroliis unguiculorum albidis. Terebra feminae medium ventris attingens.

24. *Fulvius discifer* n. sp.

Fusco-niger, opacus, brevissime nigro-pilosellus, paullo magis quam quarta parte apicali articuli secundi antennarum niveo; rostro pedibusque cum coxis nigro-fuscis, tibiis apice tarsisque paullo dilutioribus; hemielytris obscure ligneis, brevissime nigro-pubescentibus, clavo margine scutellari basique anguste, corio basi anguste maculaque sat minuta media discoidali pallide testaceis, embolio macula parva apicali albidam; antennis ad medium marginis interioris oculorum insertis, articulo primo apicem clypei fere dimidio longitudinis superante, latitudine frontis interoculari longitudine subaequali, secundo primo duplo longiore, margine basali pronoti circiter $\frac{1}{5}$ brevioris (♀), sat robusto, apicem versus incrassato sed primo distincte graciliore; pronoto latitudine basali fere $\frac{2}{5}$ brevioris, lateribus antice leviter rotundatis, postice late leviter sinuatis; hemielytris abdominis longitudine, cuneo horizontali. ♀. Long. $3\frac{1}{5}$, lat. $1\frac{1}{4}$ mm.

Insula Funda prope Pueblam sub cortice humido, D. Voeltzkov, 3 spp.

F. brevicorni Reut. similis et affinis, colore rostri et pedum, hemielytris basi multo angustius pallidis, sed medio disci corii pallido-signatis distinguendus. Caput porrectum, pronoto vix longius, vertice (♀) oculo fere triplo latiore, lineola longitudinali sat obsolete impressa, fronte versus apicem leviter declivi, angulo faciali fortiter acuto, genis nullis. Oculi a supero visi fere semiovalis, a latere visi usque in gulam extensi. Antennae articulo primo longitudine capituli fere $\frac{2}{5}$ brevioris, ultimis gracillimis, tertio secundo fere $\frac{2}{5}$ brevioris. Pronotum apice quam basi circiter duplo angustius, strictura apicali distincta, callis leviter convexus, medio linea tenui impressa disjunctis, postice longe ultra me-

dium extensis, margine laterali acuto, fere tertia apicali parte tamen obtuso, margine basali late sinuato. Hemielytra cuneo discreto, horizontali, latitudine basali aequae longo.

25. *Laemocoris sinuaticollis* n. sp.

Obscure piceus, capite apiceque pronoti fortiter nitens, hemielytris longe pallido-pilosis; antennis flavicanti-testaceis, apicem versus fuscis, articulo primo albido, basi margineque apicali fuscis, pedibus fuscis, coxis, trochanteribus basique femorum pedum posteriorum albidis, tibiis apicem versus tarsisque pallescentibus; hemielytris nonnihil rufescenti-piceis, in tertia basali parte corii fascia transversali per clavum ducta ibique fere aequae lata maculaque magna subtriangulari apicali angulum interiorem haud attingente albis; membrana cum venis fusca, fortiter iridescente; capite opaculo, vertice obsolete marginato, fronte sulco longitudinali obtuse impresso, clypeo prominente, gula tertiam basalem partem capitis occupante, vertice feminae oculo fere duplo latiore; pronoto lateribus late sed fortiter sinuatis, disco apicem versus sat declivi, postice parum convexo, scutello planiusculo. ♀. Long. $3\frac{1}{5}$ mm.

Congo, commun. D. Schouteden.

L. Ahngeri Reut. signaturis albis sat similis, sed multo minor, fortius nitens, lateribus pronoti multo fortius sinuatis, hemielytris longe pilosis, fascia eorum anteriore longius ante medium corii posita, cuneo brevior, coxis posterioribus fere totis albis. Caput (♀) basi pronoti paullo minus quam $\frac{1}{3}$ angustius, a supero visum pronoto aequae longum, a latere visum altitudine basali paullulum brevius. Rostrum fuscum, articulo primo medium xyphi prosterni subsuperante. Antennae articulo secundo capiti pronotoque simul sumtis longitudine subaequali, tertio secundo vix brevior. Pronotum basi longitudini, strictura apicali excepta, fere duplo latius, hac articulo secundo antennarum aequae crassa. Hemielytra abdomen sat longe superantia, corio externe versus marginem declivi. Terebra feminae apice mucronata.

26. *Boopidella* nov. gen.

Corpus subelongatum, opacum; capite cum oculis magnis basi pronoti aequae lato, verticali, a supero viso brevi; vertice angusto, margine postico tenui acuto, capite ab antico viso transverso, infra oculos maximos (σ^7) breviter prominulo, a latere viso altitudine saltem $\frac{1}{3}$ brevior, fronte fortiter declivi, clypeo perpendiculari, basi a fronte impressione bene discreta, ipsa basi paullo infra medium altitudinis capitis posita, angulo faciali recto, loris discretis, genis maris nullis, gula omnium brevissima, obliqua; oculis maris maximis, convexis et exsertis, fortiter granulatis, angulis pronoti apicalibus contiguis, a supero visis subglobosis, a latere visis usque in gulam extensis, tota latera capitis occupantibus, orbita interiore fortiter sinuatis, inferne ut superne fere aequae distantibus; rostro gracili, coxas posticas paullo superante, articulo primo caput paullulum superante, secundo et tertio longitudine subaequalibus; antennis fere ad medium marginis interioris oculorum insertis, crassiusculis, dimidio corporis, hemielytris additis, parum longioribus, articulo primo brevi, apicem clypei haud superante, secundo primo paullulum graciliore, apicem versus sensim leviter incrassato, ultimis secundo parum gracilioribus et simul sumtis hoc paullo longioribus; pronoto transverso, campanuliformi, strictura apicali tenui instructo, lateribus sinuatis, margine basali levisime sinuato, callis parum distinctis, medio impressione disjunctis; scutello parte basali detecta, apicali planiuscula; hemielytris (σ^7) explicatis, albo-unifasciatis, commissura clavi scutello longiore, cuneo latitudine basali longiore, membrana biareolata; xypho prostethii marginato; pedibus mediocribus, femoribus elongatis, tibiis muticis, tarsis articulis duobus primis brevibus, tertio secundo longiore, unguiculis tenuibus, aroliis vix distinguendis.

A *Laemocori* Reut. capite (σ^7) cum oculis maximis basi pronoti aequae lato, antennis altius insertis, strictura apicali pronoti graciliore, ab *Allodapo* Fieb. capite a latere viso multo brevior, antennis altius positis, tarsis aliter constructis vel multo brevioribus et robustioribus, nec non capite pronoto aequae lato, oculis majoribus divergens.

Boopidella fasciata n. sp.

Fuliginosa, opaca, rostro, articulo primo excepto, coxis, femoribus basi, tibiis apicem versus tarsisque pallidis; hemielytris fascia per medium clavi ducta alba, hac fascia versus marginem exteriorem corii angustata; membrana dilutius fuliginoso-fumata, parte basali albida. ♂. Long. $2\frac{2}{5}$, lat. $\frac{3}{5}$ mm.

Insula Pemba, D. Voeltzkov, 4 spp.

Caput (♂) basi pronoti aequae latum, ab antico visum latitudini verticis oculique unici aequae longum. Antennae articulo secundo primo circiter triplo longiore et margine basali pronoti fere $\frac{1}{4}$ brevior, primo ima basi pallidior, tertio secundo circiter $\frac{2}{5}$ brevior, quarto tertio paullo brevior. Pronotum latitudine basali paullo magis quam $\frac{2}{5}$ brevius, basi quam apice circiter duplo latius.

27. *Allodapus aethiopicus* n. sp.

Nigro-fuscus, opacus, sat parce breviter parum tenuiter flavicanti-pubescent, hemielytris adhuc longe pallide pilosis, sanguinolenti-fuscis, opacis, corio macula basali, margine exteriore maculaque apicali albis, macula basali medium subattingente et apice oblique truncata, externe quam interne paullo longiore, macula apicali marginem interiorem haud attingente, externe quam interne latiore; macula mox pone maculam basalem obscure fusca, sericeo-opaca; rostro, articulo primo excepto, antennis pedibusque pallide flaventibus, basi margineque apicali articuli primi antennarum femoribusque, basi apiceque exceptis, sanguineis. Long. $2\frac{2}{3}$ mm.

Congo, D. Schouteden. Insula Pemba: Funda, D. Voeltzkov.

Corpus subelongatum. Caput basi pronoti circiter $\frac{1}{4}$ angustius, clypeo (an semper?) pallido, angulo faciali subrecto, vertice (♀) oculo paullo latiore, Rostrum articulo primo medium xyphi attingente. Antennae articulo secundo capiti pronotoque simul sumtis longitudine aequali. Pronotum apice quam basi circiter $\frac{3}{7}$ angustius, latitudini apicali aequae latum, lateribus fortiter sinuatis. Scutellum parum convexum.

Hemelytra usque a basi cunei abdomen superantia, membrana obscure fumata, venis fuscis.

28. *Nanniella chalybea* Reut.

Öfv. Finska Vet. Soc. Förh. XLVI, N:o 10, 1904, p. 6.
(Feminam nec marem l. c. descripsi).

Mas hactenus ignotus: a femina differt antennis longius supra apicem oculorum insertis, longioribus, articulo primo apicem clypei attingente, secundo margine basali pronoti distincte longiore, tertio secundo fere $\frac{1}{3}$ brevior, pronoto paululum longiore. Caput fortiter nitens, fronte (an semper?) foveola basali instructa.

Variat femina membrana griseo-fumata, area maculaque utrinque magna laterali hyalina.

Congo.

29. *Halticus tibialis* Reut.

Rev. d'Ent. X, 1891, p. 136, 8.

Congo: Boma, D. Tschoffen, comm. D. Schouteden.
Species hactenus solum in insula Java inventa.

Antennae ad medium marginis interioris oculorum insertae.

30. *Psallus dilutipes* n. sp.

Capite pronotoque luridulis, nitidis, illo apice, hoc ad angulos posticos infuscatis; scutello hemielytrisque pilis aureis fragilibus pubescentibus, nitidis, fusco-sanguineis, angulo exteriori apicali corii, lunula angusta obliqua basali apiceque extremo cunei pallidis, membrana aequaliter sat dilute fumata, venis decoloribus; inferne nigro-piceus, orificiis metastethii fuscis; rostro, antennis pedibusque cum coxis lividis, femoribus anterioribus solum puncto marginis superioris antepicali, posticis solum apice punctis nonnullis fuscis adspersis, tibiis spinulis nigris sat longis e punctis nigris parvulis nascentibus, tibiis anticis fere dimidio apicali punctis desti-

tutis, tarsis solum extremo apice articuli ultimi infuscato. ♀.
Long. $3\frac{2}{3}$, lat. $1\frac{1}{4}$ mm.

Terra capensis: Algoa Bay d. 25 octobris 1897, D. Brauns
(Mus. Vindob.).

Caput (♀) basi pronoti circiter $\frac{3}{7}$ angustius, vertice oculo circiter duplo latiore. Rostrum coxas posticas non-nihil superans. Antennae (♀) articulo secundo margine basali pronoti circiter $\frac{1}{5}$ brevior et duobus ultimis simul sumtis aequae longo, quarto tertio duplo brevior. Pronotum basi longitudine duplo latiore, apice longitudine vix latiore. Hemelytra apicem abdominis leviter superantia. Tarsi postici articulo secundo tertio aequae longo. Terebra feminae saltem quartam basalem partem ventris attingens.

31. *Sthenarus leucochilus* Reut.

Öfv. Finska Vet. Soc. Förh. XLVII, N:o 22, p. 8, 8.

Insula Pemba, D. Voeltzkov, commun. D. Bergroth

